

Aede na idea ma no saede co la realisèr?

L Pian Joegn La Risola met fora ence per l 2019 la linies guida per portèr dant projec per i joegn del teritorie

Sozièl - L Pian Joegn de Fascia - la Risola ence per l 2019 sporc l met a chi che à enteress de portèr dant projec per i joegn del teritorie, con l'obietif de sostegnir sia idees e sia creatività e soscedèr sia partezipazion ativa te la comunanza.

Te la consaputa che chesta fascia sozièla raprejenta na ressorsa fundamentèla per l prejent e l davegnir de na comunanza, che pel portèr neves ponc de veduda acioche posse se verificchèr na vera inovazion sozièla, per l 2019 La Risola se met dant de sostegnir scomenzadives olache i joegn posse portèr inant azions de miorament per l teritorie e sia jent.

Ge vegnarà dat sostegn en particolèr a projec che se met dant de didèr ocasions de barat anter i desvalives pajjes, la sociazions e i sentadins atives sul teritorie travers n lurier de rei e sinergia; n percors de crescimonia e autonomia de sociazions o gropes de joegn neves o jà atives; la crescimonia de n dialogh intergenerazionèl e anter chi con la medema età te na otica de compagnament del joen endèna l'enrescida e la realizazion de sie projet de vita; l'arvejinament di joegn al mond del lurier o de i fèr crescer dal pont de veduda sozio cultural travers formes de esprescion artistich-creatives desche la musega o l teater.

Vegnarà valorisà ence duta chela scomenzadives olache i joegn se tol sù en pruma persona la responsabilità de la projetazion e de l'endrez.

Sociazions, cooperatives, istituc comprensives, organizacions de utol sozièl desche la curazies, fondazions,



L Logo de La Risola.

enc no profit, ma ence gropes informèi de joegn con o zenza gregn metui ensema per chest obietif l'è i sogec che pel portèr dant "idees - projet". Per l 2019 l'è a la leta n investment de 14.000 euro.

Per portèr dant na proponeta timpruma ge vel scriver ite la scheda idea 2019 (che se pel domanèr per mail a La Risola o travers n message al referent tecnich organisatif e la manèr a la direzion mail lassa@gmail.com inant che vae fora i 15 de firé. Dò, ai 21 de firé, sarà n enconter coi componenc del Desch del confront e de la proponeta per valutèr la idea prejentèda.

N'outa ciapà l'ok, via per dut l'an vegnarà tegnù contac strenc col referent tecnich per monitorèr coche va inant l projet, a la fin sarà na fasa de rendicontazion e valutazion e n moment de confront sui ejic e i resultac arjone.

Per domanèr schiarimenc e informazion se pel se oujer al referent tecnich organisatif Susanna Gandini 347 6668006 o al referent istituzionèl Ilaria Petrone 349 3782832. (cri.m)